



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՆԳՆ ՈՍՏԻԿԱՆՈՒԹՅԱՆ
ՊԱՐԵԿԱՅԻՆ ԾԱՌԱՅՈՒԹՅՈՒՆ**

0090, ք.Երևան, Շոպրոնի 77

N

81/6463

< 13 > 09

2023թ.

**Ալբերտ Վահանի Վարդանյանին
Հասցե՝ Կոտայքի մարզ, Նոր Հաճըն, Մ. Նալբանդյան փ., 23տ.**

Ուղարկվում է Ձեր դիմումի հիման վրա ՀՀ ՆԳՆ ոստիկանության պարեկային ծառայության վարչական բոլորքների քննության բաժանմունքում իրականացված վարչական վարույթի արդյունքում թիվ 8300463461 որոշումը բեկանելու և վարչական իրավախախտման վերաբերյալ գործի վարույթը կարճելու մասին որոշման օրինակը:

Առդիր՝ <<3>> թերթ:

**Պերի պարտականությունների
ժամանակավոր կատարող,
ոստիկանության գնդապետ**

Ա. Մաթևոսյան

Կատ. Մ. Սարգսյան

Ո Ր Ո Շ ՈՒ Մ

ՀՀ ՆԳՆ ոստիկանության պարեկային ծառայության վարչական իրավախախտման վերաբերյալ գործով 27.02.2023թ.-ին կայացված թիվ 8300463461 որոշումը բեկանելու և վարչական իրավախախտման վերաբերյալ գործի վարույթը կարճելու մասին

<< 31 >> 03 2023թ.

ք.Երևան

ՀՀ ՆԳՆ ոստիկանության պարեկային ծառայության պետի պարտականությունների ժամանակավոր կատարող, ոստիկանության գնդապետ Ա. Մաթևոսյանս, վերանայելով Ալբերտ Վարդանյանի(Այսուհետ՝ դիմող) 01.03.2023թ. դիմումի հիման վրա հարուցված վարչական բողոքարկման վարույթի նյութերը,

Պ Ա Ր Զ Ե Ց Ի

27.02.2023թ.-ին՝ ժամը 18:30-ի սահմաններում, Կոտայքի մարզի Նոր Գեղի գյուղի Թևոսյան փողոցում դիմողը «Վազ» մակնիշի 64 SO 507 հաշվառման համարանիշի տրանսպորտային միջոցը վարել է չունենալով գործող ԱՊՊԱ պայմանագիր, որը արտացոլվել է պարեկային ծառայողի դյուրակիր համակարգչի ծրագրում, ինչի համար ՀՀ ՆԳՆ ոստիկանության պարեկային ծառայության Կոտայքի մարզի գումարտակի ավագ պարեկ Ալբերտ Վարդանյանը կազմվել է վարչական իրավախախտման վերաբերյալ արձանագրություն և «Վարչական իրավախախտումների վերաբերյալ» ՀՀ օրենսգրքի 129.2-րդ հոդվածի 2-րդ մասի համաձայն՝ կայացվել թիվ 8300463461 որոշումը՝ դիմողին 100.000 ՀՀ դրամի չափով տուգանելու մասին:

Դիմողը 01.03.2023թ.-ի դիմումով խնդրել է վերանայել և բեկանել պարեկային ծառայության վարչական իրավախախտման վերաբերյալ գործով 27.02.2023թ. կայացված թիվ 8300463461 որոշումը՝ մասնավորապես նշելով, որ տրանսպորտային միջոցը արձանագրություն կազմելու պահին ունեցել է գործող ԱՊՊԱ պայմանագիր և ներկայացրել է այդ փաստը հաստատող փաստաթուղթ:

«Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի 1-ին մասի «ա» կետի հիմքով ՀՀ ոստիկանության պարեկային ծառայության վարչական բողոքների քննության բաժանմունքում հարուցվել է վարչական բողոքարկման վարույթ:

«Վարչարարության հիմունքների և վարչական վարույթի մասին» ՀՀ օրենքի 38-րդ հոդվածով սահմանված կարգով վարչական վարույթում քննարկվող փաստական հանգամանքների վերաբերյալ արտահայտվելու և լսված լինելու հնարավորություն տալու նպատակով դիմողը հրավիրվել է պարեկային ծառայության վարչական բողոքների քննության բաժանմունք:

Ղեկավարվելով «Վարչարարության հիմունքների և վարչական վարույթի մասին» ՀՀ օրենքի 37-րդ հոդվածի պահանջներով՝ քննության են առնվել իրավախախտման բոլոր, այդ թվում՝ դիմումատուի օգտին առկա փաստական հանգամանքները, ինչի արդյունքում պարզվել է, որ վարչական իրավախախտման վերաբերյալ գործով 27.02.2023թ.-ին կայացված թիվ 8300463461 որոշումը ենթակա է բեկանման՝ հետևյալ պատճառաբանությամբ.

«Ավտոտրանսպորտային միջոցների օգտագործումից բխող պատասխանատվության պարտադիր ապահովագրության մասին» ՀՀ օրենքի 5-րդ հոդվածի 4-րդ մասի համաձայն՝ յուրաքանչյուր անձ պետք է մշտապես ունենա սեփականության իրավունքով իրեն պատկանող (ֆինանսական վարձակալության (լիզինգի) պայմանագրով իրեն տրամադրված) և Հայաստանի Հանրապետությունում հաշվառված յուրաքանչյուր ավտոտրանսպորտային միջոցի համար կնքված և գործող ԱՊՊԱ պայմանագիր: Արգելվում է ընդհանուր օգտագործման ավտոմոբիլային ճանապարհներով ավտոտրանսպորտային միջոցի վարումը, եթե դրա համար առկա չէ այն վարելու պահին գործող ԱՊՊԱ պայմանագիր:

«Վարչական իրավախախտումների վերաբերյալ» ՀՀ օրենսգրքի 129.2-րդ հոդվածի 2-րդ մասի համաձայն՝ առանց տվյալ տրանսպորտային միջոցի համար կնքված ավտոտրանսպորտային միջոցի օգտագործումից բխող պատասխանատվության պարտադիր ապահովագրության գործող պայմանագիր ունենալու՝ Հայաստանի Հանրապետության տարածքում ընդհանուր օգտագործման ավտոմոբիլային ճանապարհներով տրանսպորտային միջոցը վարելը՝ առաջացնում է տուգանքի նշանակում՝ սահմանված նվազագույն աշխատավարձի հարյուրապատիկի չափով:

Ուսումնասիրելով դիմողի կողմից դիմումին կից ներկայացված <<ՌԵԳՈ>> ԱՓԲԸ-ի կողմից 28.02.2023թ. տրված թիվ 2101-0470 տեղականքը, պարզ է դառնում, որ Միքայել Ալեքսանյանին պատկանող «Վազ» մակնիշի 64 SO 507 հաշվառման համարանիշի տրանսպորտային միջոցը ապահովագրվել է սեփականատիրոջ կողմից 31.12.2022թ.-30.03.2023թ., սակայն տեխնիկական խնդրի պատճառով հաշվառման համարանիշ դաշտում 64 SO 507-ի փոխարեն նշվել է 64 UO 507 և <<ՌԵԳՈ>> ԱՓԲԸ

հավաստում է, որ վերը նշված տրանսպորտային միջոցը ունի գործող ԱՊՊԱ պայմանագիր՝ SM740283:

Վերոգրյալից հետևում է, որ վարչական իրավախախտման վերաբերյալ արձանագրություն կազմելու պահին, դիմողի վարած տրանսպորտային միջոցը ունեցել է գործող ԱՊՊԱ պայմանագիր:

«Վարչական իրավախախտումների վերաբերյալ» ՀՀ օրենսգրքի 247-րդ հոդվածի 1-ին կետի համաձայն՝ վարչական իրավախախտման վերաբերյալ գործի վարույթը չի կարող սկսվել, իսկ սկսվածը ենթակա է կարճման, եթե բացակայում է վարչական իրավախախտման դեպքը կամ կազմը:

Ելնելով վերոգրյալից և ղեկավարվելով «Վարչական իրավախախտումների վերաբերյալ» ՀՀ օրենքի 247-րդ հոդվածի 1-ին և 293-րդ հոդվածի 1-ին մասի 3-րդ կետերով՝

Ո Ր Ո Շ Ե Ց Ի

1. Պարեկային ծառայության վարչական իրավախախտման վերաբերյալ գործով 27.02.2023թ.-ին կայացված թիվ 8300463461 որոշումը բեկանել և վարչական իրավախախտման վերաբերյալ գործի վարույթը կարճել:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում:
3. Սույն որոշման օրինակն ուղարկել դիմողին և ՀՀ ՆԳՆ ոստիկանության պարեկային ծառայության Կոտայքի մարզի գումարտակ:

**Պերի պարտականությունների
ժամանակավոր կապարող,
ոստիկանության գնդապետ**



Ա. Մաթևոսյան